

守山閣叢書

子集

卷之三

子

天
步
真
原



人命敘

今魚生於水而鱗介爲波紋之象鳥生於林而羽毛有枝葉之形又土脈紆曲皆作本地北極出地之度木理迴旋皆向本地北極出地之方有形有生皆然而況於人夫養生者吐故納新欲令形氣不朽呼者飲食之氣亦卽人原稟兩間之氣也吸者天地之氣亦卽隨時五行推移之氣也則人原生吉凶與其流運禍福有所從受概可睹已譚命多家除煩雜不歸正道者不論近理者有子平五星二種子平專言干支其法傳於李虛中近世精於其道者譚理微中可以十得七八至於五星何茫然也五星舊法出自欽察而所傳之法甚略如論日格不過有日出扶桑卯日朝北戶巳日帝居陽午

日遇白羊 戌 日帝朝天 亥 五法論午宮格不過有日帝居陽

日太陰升殿 月 南枝向煖 木 水名榮顯 水 李騎獅子 李 木蔽

陽光

木

六法外顧寥寥也他如天官文昌兼以化曜諸說然

驗與否皆居其半予於諸書多曾講求終不能自信於心也

竊思其法傳之西域嘗讀洪武癸亥儒臣吳伯宗譯西法天

文似稱稍備而十二宮分度有參差不等者乃獨祕之予久

求其說而不解不知其玄奧正在於此壬辰予來白下暨西

儒穆先生閒居講譯詳悉參求益以愚見得其理爲舊法所

未及者有數種焉一爲生時不眞如子至丑一時而論人生

則非刻漏之時而過午時圈之時一子時有三十度過午圈

則子有三十時矣子時過午圈一也南北極出地又有無窮

之異則子時且不可以數計矣財帛等十二宮赤道皆三十一度然不當用赤道而變爲黃道其宮分多寡有差五六十度者日月等七政臺歷皆本星黃道然不當用黃道而變爲赤道其出入宮分有差至三四十度者至於吉凶之遲速又全不關黃赤道而論升度而正球升度亦止午圈之一點外此斜升斜降隨極高下益不可齊以上數大法舊傳皆略得其似遂認爲真而况各宮與七政性情相離相逐得力不得力如舊日格午宮格者萬未及一安敢以爲天地之情卽在是也此書幽渺玄奧非人思力可及他如同年行年流月流日細分縷晰皆指諸掌豈非爲此道特開生面乎命之理聖人不輕言而爲益世教未嘗無也窮通有定擇術在人或爲五

帝之聖焉而死或爲操莽之愚焉而死涼薄時有益堅之念
赫奕時有飲冰之思人能知命卽能寡過人也予喜得其理
恐寫本流傳易湮勉力付梓有志此道者尙留意於斯北海

薛鳳祚識

天步真原目錄

人命上卷

論人性日月五星之能

論人生十二象之能

太陰十二象之能

人初生七曜主照

世界之權入人命

相貌

性情

術業

財帛

官祿

遠行

疾厄

死亡

父母

兄弟

夫婦

男女

朋友仇人

家人

月離五星逐五星

離土星

逐土星

土星吉凶

離木星

逐木星

木星吉凶

離火星

逐火星

火
星吉凶

離日

逐日

日吉凶

離金星

逐金星

金
星吉凶

離水星

逐水星

水星吉凶

水會各星

天步真原人命部上

守山閣叢書 子部

西洋穆尼閣撰

金山錢熙祚錫之校

人命

歷數所以統天而人之命與運亦天也故言天而不及人則理不備言人而不本於天則術不眞凡人不可不知此學者三

日月星歷遲速常變皆非不可知者惟人能賦天地之全能不明其理是負天地之生也

在世水旱饑疫人苦不知若能知之則凡事可以預備誠持世者之急務

嘗聖賢先務以前民用如取水於月可愈病苦求火於鏡可

灼山林之類物理可推歷法皆能旁通及之誠便民之大者至言命亦有幾種

命之時與星有不眞則吉凶大異故安星不泛用臺歷取時不泛用刻漏必晰入細微方能有準

變度之法或以禍爲福或移急就緩萬有不一非息心入密不易得真

前人云天道患不能知及知又虞泄漏况人命動多關係若能自省克以代蓍蔡固善不則能爲人禍甚不可也

論人性日月五星之能第一門

日月五星作人性論東西南北土星木星在東主人性寬宏能讓人讀書達禮惡邪淫家豐雖死不肯爲非

火星木星在西喜殺人救人能擔勞苦與友不欺喜作善事
土星金星在東好戲好色有才能喜潔淨

火星金星在西大好色喜作奇異惡事無信胆大

木星金星在東有才能有主意能文喜潔能生利

土星在東爲人醜大在西粗俗狠惡與黑人相似

水星在東爲人聰明喜書善天性浮

金星在西好歌舞歡樂在東好歌舞好詩文大概有婦人之

性

火星在西爲人心狠好殺在東爲人胆大不怕死喜作亂暗

謀害人

木星在西爲人朴實愛人在東不堅吝好朋友喜經商

太陽不拘所在爲大人善人愛人喜天文

火星金星在東爲盜賊行劫但少有水星之氣更不吉

土星火星在西爲人不愛人有才能

太陰在東婦人大胆好爭有才在西男子如婦人懼內善經

商

土星金星水星在西爲人不善不惡知書能文能曉深奧之理

木星火星水星在東人不老成喜動能經商好作陰私惡事

土星木星水星在西好邪教不論男女皆能生子

論人生十二象之能第二門

十二象論人性白羊主人狠慾大胆暗謀害人 金牛主人

快樂好色奢華 陰陽主人聰明有主意喜天文不純良
巨蟹作客人有家業性浮婦人生此宮善持家 獅子
爲善人老成穩當好友喜天文 雙女生人大聰明善讀
書在地平生人無不讀書者大文人能明深微之理 天
秤主快樂能生利好色不甚朴實 天蝎大胆爭鬪不怕
死失信喜作亂多勞力 人馬性寬愛人善作事忠誠
磨羯生人魄大難交喜生利 寶瓶心野性執固不喜同
人不喜笑語 雙魚爲人小心明白性寬有主意善作客
會工作

太陰十二象之能第三門

十一象論人身白羊主頭 金牛主頂 陰陽主兩肩背

巨解主人胸胃脾肺腕

獅子主人兩腋及心至臍

雙

女主人大小腸

天杵主人下焦膀胱并兩邊

天蝎主

人陰陽

人馬主人左右大腿

磨蝎主人兩膝

寶瓶

主人兩小腿

雙魚主人兩足

譬如有太陰在白羊宜將養頭上若有病難醫或何

宮有惡星何經受病

人命有四一用一受一化一去能用在熱乾太陽主之如濕多不能用太陰在白羊人馬救之則能用能受在冷乾土星主之太陰在金牛雙女磨羯救之則能受能化在熱濕木星主之太陰在天杵寶瓶救之則能化能去在冷濕太陰主之太陰在巨解天蝎雙魚救之則能去如不能化好治脾胃候月

到寶瓶治之有益

算法

地平圈同午時圈分天下作四分一分從東至午爲春分屬陽屬血二從午至酉地平爲夏至屬陰屬黃痰三從酉地平至子爲秋分屬陽屬黑痰四從子至東地平爲冬至屬陰屬白痰

天下四大權一從午到東地平上一從酉地平至地平下子一從午到酉地平上一從地平下子至東地平

天下分十二宮每方三宮東分十二宮十一宮十宮午時分九宮八宮七宮西分六宮五宮四宮北分三宮二宮一宮第一宮稱命宮關人命吉凶皆在其中二宮財帛三宮兄弟姊妹親戚及不遠道路四宮父祖及親者家事爲天下